

舊唐書校勘記

舊唐書校勘記卷六

德宗紀上

庚寅以兵部尚書路嗣恭 張氏宗泰云據上戊寅下辛巳此當

作庚辰

停梨園使及伶官之冗食者二百人留者皆隸太常 冊府五十

停作罷三百下有餘字無皆字

兼靈州大都督 聞本督作護

振武東軍中二受降城 沈本東軍作軍東張氏宗泰云本傳軍

在東字上

陳州刺史李芑 沈本陳州上有以字 為東陽二城鎮遏使沈

本東作河是

以壽州刺史杜亞 沈氏炳震云案杜亞大曆十二年除江西觀

察使本傳德宗立召入朝此乃代亞為觀察使者案張鎰傳德宗卽位鎰由壽州刺史遷江西則此當是張鎰也

加李正已司徒太子太傅 冊府入十 司徒下有兼太子太保寶

臣寶臣上當有李字冊府上文 為司空兼十一字各本脫去或已有李寶臣故此不言姓

以太子太傅屬下讀非也

令後准式入計 沈本令作今是冊府入十 作自今以後

諸州刺史常參官 冊府入十 史下有及字 父在未有官冊府

在上有見字官下有者字 量與五品致仕官父亡歿與追贈

冊府官下有及階亡作母與追贈作與贈官及邑號

自至德已來別敕 冊府入十 別作制 或因人奏冊府下有請

字 與詳定官決冊府詳作刪決上有詳字

迅為隨王 沈本下有詳為肅王 按新紀通鑑俱有此四字

罷宣歙池鄂嶽沔 沈本嶽作岳是

詔中書門下御史臺 冊府六十 門下有省字 五品已上下冊

府有尚書省四品以上各本脫 各舉可任刺史縣令者冊府

縣作京

七月戊辰朔 沈本作壬辰 按通鑑作戊辰

語人以利 冊府五十 作害人放利

癸酉減宮中服御常貢者千數 冊府五十 詔減服物供獻之屬

以千數通鑑作癸丑誤

其宣王已下開府俸料皆罷給 冊府五百 開府下有儀同三司

光祿大夫八字俸下無料字 淺鑄按此在詔 王公卿士條後

詔王公卿士不得與民爭利諸節度觀察使於揚州置回易邸並

罷之 冊府百六 令王公百官及天下長吏無得與人爭利先

於揚州置邸肆貨易者皆罷之先是諸道節度觀察使以廣陵當南北之衝百貨所極多以軍儲貨取例置邸肆名託軍用實利其利焉至是乃絕

八月庚辰以門下侍郎 沈本作甲辰張氏宗泰云八月戊戌朔

不得有庚辰下有乙巳當作甲辰 按通鑑作甲辰

以道州司馬司正楊炎爲門下侍郎平章事 沈本司作同無平

章事 按冊府三十七作同正有平章事

京畿觀察使 沈氏炳震云下闕文張氏宗泰云據下喬琳罷知

政事下接書崔甯兼御史大夫京畿觀察使是代琳爲御史大

夫也則京畿觀察使爲御史大夫兼官當書於御史大夫下此

蓋錯簡或以觀察使下有闕文非 按冊府三十七以懷州刺史

喬琳 當作琳 爲御史大夫平章事京畿觀察使與今本同通鑑以

懷州刺史喬琳爲御史大夫同平章事無京畿觀察使

貢立獸炭鑪 新紀無鑪字張氏宗泰云鑪當在炭字上

散官參豬三十頭 沈本十作千是

加劍南西川節度 沈本加作以非

御史大夫張延賞 沈本無上四字非沈蓋以下有御史大夫故

以此爲衍文不知上御史大夫乃荆南節度兼銜下乃劍南西

川節度兼銜也 兼成都尹御史大夫沈本作兼御史大夫成

都尹 度支營田觀察等使沈本觀察在度支上

單于振武軍使 沈本單于上有爲字

延州刺史李建 沈本延州上有以字建下有徽字

制宣王某 沈本某作誦 按冊府二百五十七作誦

建中元年

正月丁卯朔御含元殿 冊府十五 殿下有受朝賀二字

輒率一錢 冊府四百八十八 輒下有別字

及諸州縣有司可併省及諸官減者 沈本官下有事字 按冊

府九十可上無司字官下有要罷二字

遣黜陟使一十一人分行天下 冊府百六十二發黜陟使分往天下

以右司郎中兼侍御史庾何巡京畿 云具載十一人姓名

江淮水陸運使 沈本運上有轉字 一如劉晏韓滉之則沈本

本則作制

辛未命江西觀察使 沈氏炳震云是月無辛未誤張氏宗泰云

四月乙未朔不得有辛未據在乙未戊申之中當作辛丑

湖州刺史常袞 沈本湖作潮

荊州平 沈本荆作涇是

同中書門下平章事崔祐甫卒 沈本無中書門下

秋七月丁丑罷內出孟蘭盆 張氏宗泰云據在壬申前則丁當

作乙然七月癸亥朔十五日丁丑下所書乃十五日事是下壬

申非壬午即甲申之誤

振武軍使張光晟殺領蕃迴紇首頗突董統等 沈本頗作領張

氏宗泰云影宋本領作歸通鑑作殺回紇使者董突等

東契烏蠻守來朝貢 張氏宗泰云據文義守當作等 按冊府

九百七十二二月日本國七月東契烏蠻守愈等十月渤海並遣使

朝貢則契當作幾守下當有愈等二字

判度支韓洄奏請於商州 云 冊府載全文

庚寅以睦王述 至 喬琳為副 沈本在己卯雷下屬九月張氏宗

泰云十月辛酉朔無庚寅新紀在九月庚寅九月二十九日

按通鑑亦作十月庚寅

朝集使及貢使

冊府

一百七

下使字作士是

又出嫁嶽陽等一十縣主

沈本嶽作岳是

又按冊府

九十

出

嫁岳陽信甯宜芳順

當脫一字

朗陵安陽襄陵德清南華元城新鄉

等縣主通鑑作嫁岳陽等九十一縣主

與吐蕃宰相論欽明思等

冊府

九百八十

作欽論通鑑同

令詳定國以來 沈本國下有初字

二年

以門下侍郎楊炎

沈本郎下有同平章事

同中書門下平章

事沈本作知政事

有淄青齊海登萊沂密德棣曹濮兗鄆十五州之地

沈本萊下

有徐字張氏宗泰云據本傳補徐字合十五州之數

按御覽

百十 濮下有徐字

而諸盜完城繕甲 沈本盜作道

又於偃城置澂州 沈本偃作鄆

以汾州刺史王栩 沈本栩作翊

夏四月己酉朔 沈本作己丑

兼同中書門下平章事 沈本兼作加 按冊府七十在三月亦

作兼

封南平王 沈本王上有郡字 按通鑑有郡字

庚寅 沈本上有六月張氏宗泰云五月不得有庚寅 按通鑑

作六月庚寅

秋七月戊子 沈本作戊午 按通鑑作戊午

二庭四鎮 沈本二作北 按英華作二 相奉率職英華同沈

本奉在率下 奉遵禮教英華禮教作朝法

為安西大都護 沈本為作可 按英華作可

楊炎為左僕射 冊府三百三十三 楊炎下有罷相二字通鑑僕射下

有罷政事三字

同州刺史李丞 沈本作李承下同

田悅攻寇臨洛 沈本洛作洛是

翼國公路嗣恭卒 各本皆作翼疑當作冀

山南節度觀察等使 沈本山南下有東道二字

招討使觀察等使 沈本無上使字是

宣武節度 沈本武下有軍字度下有使字

龔高麗朝鮮郡王李惟岳 沈氏炳震云寶臣封隴西郡王此高

麗朝鮮四字誤張氏宗泰改作隴西郡王

削爾在身官爵 沈氏炳震云下闕文王氏鳴盛云削上當有并
字張氏宗泰云詔文當至宜肆原野句止此句乃詔外文削爾
宜作並削其或以爲下有闕文非 按英華載全文宜肆原野
下有朕尙念其前緒容以自新俾護父喪以其屬歸闕待以好
爵遇之如初告諭旣勤罔有悛革蠢爾狂狡自詒滅亡除暴去
邪國有恒典惟岳在身官爵并宜削除此刪改原文而義未完
善或當有所闕脫

以陝州長史李齊 沈本齊下有物字是

李納將 沈本李上有甲申 按通鑑有甲申

三年

幽州節度使朱滔張孝忠 沈本張孝忠上有成德軍節度使六
字

爲兗州司功 冊府五十司功下有參軍二字是

王武俊殺李惟嶽 沈本嶽作岳是

破田悅兵於恒水 沈本恒作洹是

李納守德州將王士真 沈本王作李 按通鑑及冊府百六十五皆

作李

自吐蕃而還 沈本無而字

大率每商畱萬貫餘並入官不一二十大商則國用濟矣 冊府

五百請畱其萬貫爲業有羨官借以給軍計天下不下當有借

一二千商人而國家數年之用給矣通鑑畧同 纔可支給數

月冊府作可給數月矣 又取餽櫃質庫法拷索之通鑑作又

括餽櫃質錢胡三省注民間以物質錢異時贖出於母錢之外

復還子錢謂之餽櫃

長安令薛萃荷校 王氏鳴盛云校當作杖非冊府五百及廬杞

傳俱作校 凌鏞按此條在又取儲櫃句上

為費州長史 沈本長作刺 杖殺左巡使殿中侍御史鄭詹尹

張氏宗泰云新紀無數月卒終言之故云殺此下有歲餘卒殺

字衍沈本尹作郢

故西州刺史李琇璋 沈本璋作璠 按英華作璋下同

辛未朱滔王武俊 沈本作辛巳

馬燧抱真李芄等 沈本抱上有李字

宣武節度李勉 沈本武下有軍字又云宣武誤當是永平

八月丁未初分置汴東西水陸運 沈本炳震云是月無丁未誤

張氏宗泰云八月辛亥朔在戊午前當作丁巳 按通鑑亦作

丁未

第五琦卒於位 沈本無於位二字

爲汴西水運 沈本水下有陸字

署常平輕重本錢 沈本署作置

肅王祥薨 沈本祥作詳

十一月己卯以淮南節度使賈耽至山南東道節度使 沈本淮

南作山南西道 按通鑑己卯下有朔字云淮南節度使陳少

遊同平章事疑此淮南節度使下有脫文而賈耽上又脫以山

南西道也

滔稱大冀王 沈本冀作吳誤通鑑作冀 是月朱滔田悅王武

俊於魏縣軍壘各相推獎通鑑作是日滔等築壇於軍中告天

而授之承上己卯之日或云是月亦當爲是日之誤然按考異

云舊本紀朱滔王武俊傳皆 十一月而無日則舊紀本不作

是日可知

凌鑑按洺稱大冀王在是月朱洺條下

丁丑李希烈自稱天下都元帥

沈本作丁酉上有十二月

按

丁酉誤通鑑作十二月丁丑張氏宗泰云丁丑十二月二十九

日

四年

執州將李元吉

沈本吉作平

按新紀作平通鑑作執別駕李

元平

於河陽三城置河陽軍節度

沈本無節度二字張氏宗泰云新

地理志孟州下有河陽軍建中二年置方鎮表置河陽三城節

度以東都畿觀察使兼之領懷衛汝孟四州在建中二年置此

節度二字疑衍

按通鑑以河陽三城懷衛州為河陽軍

嗣曹王收復蘄州

沈本王下有臯字

襄陽帥賈耽江西嗣曹王等爲之副 張氏宗泰云江西下當有

帥字以上襄陽下有帥字故也沈本襄陽下無帥字王下亦有

臯字 按此上有脫文通鑑李勉爲淮西招討使哥舒曜爲之

副張伯儀爲淮西應援招討使賈耽嗣曹王臯爲之副新紀同

此紀下文有哥舒曜屯懷汝間是曜在行間不當遺之

進軍至隸橋 沈本隸作穎 按通鑑作穎

初稅屋間架算除陌錢 沈本無算字冊府五百無算字

所吏秉筆持算 按所吏不辭冊府五百所下有繇字是

與太子諸王 御覽百十與上有上字

邠寧節度韓遊瓌 沈本節度下有畱後二字 按御覽百十無

畱後

癸巳泚賊三面攻城 沈本作癸亥張氏宗泰云癸巳十月十九

日王氏鳴盛云泚校本作夜

夏州刺史常春 沈本常有時字 至漢谷沈本漢作漠張氏

宗泰云新紀作漠

及雲橋成城腳陷 張氏宗泰云成當作乘影宋本作傳 按通

鑑會雲梯輾地道一輪偏陷不能前却作傳是

李懷光遣兵馬使張詔 沈本作詔下同張氏宗泰云懷光本傳

作詔 按通鑑作詔御覽百十亦作詔

癸酉以中書侍郎 至董晉河北宣慰 沈氏炳震云案是月無癸

酉誤張氏宗泰云新紀關播爲刑部尙書在明年正月癸酉此

四十九字疑皆興元元年之錯簡當在楊惠元檢校工部尙書

下 按通鑑關播爲刑部尙書及孔巢父董晉爲宣慰使皆在

此年庚午李希烈陷汴州後張氏說未可從

興元元年

疲民空於杼柚 通鑑民作毗 離去鄉里通鑑里作閭御覽百

三同

自今已後中外書奏 冊府十六 中外下有所上二字通鑑同

身有過犯減罪三等 冊府百二十八 無有字犯下有遞字

以吏部侍郎至同平章事 按沈氏炳震云侍郎當作尙書同平

章事沈本作知政事

往山南荆南湖南江西鄂嶽 沈本嶽作岳是後因事涉及鄂嶽

者書之不復特出 福建等道宣慰張氏宗泰云等道新紀作

嶺南

二月戊寅詔故司農卿 沈本作戊申張氏宗泰云二月壬寅朔

無戊寅非壬寅即戊申之誤 按通鑑作戊申

上命翰林學士陸贄曉諭之 御覽百十 上下有聞懷光將叛五

字命作令曉又作往慰 又按往慰諭之下有其詞禮益倨悖

尋李晟自咸陽移兵東渭橋避懷光也晟以懷光反狀已明請

上幸蜀今本李晟自咸陽 云 在上文汴滑節度下與御覽異

以前饒州刺史杜祐 沈本祐作佑是 以後不復出

壬申至梁州 沈本作壬辰是御覽百十 作壬辰

丁丑宣武節度使 沈本作丁酉宣武下有軍字

其餘官秩並罷 沈本秩作職

時將士未給春衣上猶夾服 冊府百三十五 夾作袂通鑑同 左右

請御暑服冊府作左右請御衫御覽百十 與今本同

詔奉天隨從將士並賜號元從功臣 冊府百三十三 詔諸軍從奉天

隨從將士並賜為元從奉天定難功臣從穀口以來隨從將士

賜名元從功臣

己巳以陝虢防遏使 沈本作乙巳張氏宗泰云據上壬寅下甲

寅當作乙巳

加檢校司徒 沈氏炳震云下又作司空

鎮海軍韓滉 沈本軍下有節度使

破朱滔於京城東南 沈本京作經張氏宗泰云新紀作經滔傳

誤作涇地里志貝州下有經城縣

嶽州李兼 沈本兼作謙嶽仍作岳

黔南元全柔桂管盧嶽加御史大夫嶽加中丞 張氏宗泰云加

御史大夫當在桂管上下嶽字衍

爭奮擊 御覽百十上有士字 斬馘數千計御覽無數字

戊辰列陣於光泰門外 沈本作戊戌張氏宗泰云據上乙未下

六月庚子朔當作戊戌 按御覽_{三百十}作戊戌通鑑同 我軍

爭柵御覽爭下有拔字

幽州京士 沈本京作軍是御覽_{三百十}作軍

鄭縣為赤畿 沈本鄭上有南字

耆老與版授鄭縣令賜緋 沈本鄭上有南字 按冊府_{五十}詔

本府耆老與板授本縣令仍賜緋

耆壽侍老八十已上 沈本脫下四字誤冊府_{五十}有八十已上

四字

恩極邱山 冊府_{百六十五}邱山作寵榮 故元帥河中之權太尉中

書之秩冊府無故字元帥上有委字中下有府字太上有兼字

書下有令字 按委上亦當有故字

賜李晟永崇里第 冊府_{百三十三}作永

河中同陝虢等州 冊府百三十三同下有絳字

壬午贈故右僕射致仕 張氏宗泰云壬午不得在乙亥前當作壬子

近日諫官都無論奏 冊府一百一十二近日朝臣諫官都不條奏外事

人之利病朕何以知之御覽百一十與今本同

待以至誠 冊府百六十五至作初 淪胥以逞冊府逞作沈

貞元元年

癸丑始聞太子太師魯郡王顏真卿至顏碩等官 沈本王作公

張氏宗泰云新紀言李希烈害真卿在貞元元年八月不應正

月卽閏二年正月亦有癸丑疑彼處之脫簡 按通鑑據顏氏

行狀以希烈害真卿在興元元年八月壬寅而以贈司徒繫於

貞元元年正月癸丑與舊紀同張說非

遣工部尚書賈耽侍郎劉太真分往東都兩河宣慰河南河北饑

米斛千錢 冊府百六十一侍郎上有工部二字分往以下作宣慰

於東都河南是時東都米每斗值一千錢

李抱真嚴振來朝 沈本振作震

殺首將黃金嶽 沈本首作守

今後上封彈奏人自陳論不得羣署章疏 冊府六十自今上封

與彈劾宜人人自陳論不得羣署章奏若涉朋黨

四月乙丑朔晉王誼 沈本晉作普據本傳改

分命朝臣禱羣神以祈雨 冊府百四十四命左庶子裴諝殿中少監馬

錫鴻臚少卿韋俛分禱終南秦嶺諸山以祈雨

蝗自海而至 張氏宗泰云海字疑誤關中距海甚遠 按御覽

百十作海 飛蔽天御覽飛上有羣字

幽州朱滔卒贈司徒 沈本上有己丑在辛卯上

劉忬為幽州 沈本幽州下有刺史二字 副大長史兼使知節

度沈本使在大字下

甲子詔 沈本甲子上有八月據新紀補

甲子李懷光大將尉珪以焦離堡降 沈本離作離張氏宗泰云

甲子二字衍文是

河中絳百姓 冊府四百九十一絳上有同字

開封郡王李芘卒 沈本封作陽張氏宗泰云據建中三年七月

所書當作陽

又頒褒賞 沈本頒作須

嘗難遺才 張氏宗泰云影宋本難作歎 按冊府四百七十八正作

歎 非但成優者張氏宗泰云影宋本成作承 按冊府正作

承

辛巳以權知幽州盧龍軍府事劉濟 沈氏炳震云已疑當作酉

張氏宗泰云他本疑巳爲酉之誤而補冬十月於下文丙戌上

按恠之自稱畱後在恠卒後故新紀書於九月而朝命無嫌在
下文若補冬十月於辛巳上則日無須改也 按張氏所云他

本卽指沈本而不明言未審其故通鑑作九月己亥

丙戌渾瑊自河中來朝 沈本上有冬十月張說詳上

上親祀昊天上帝於員丘 沈本員作圓

丁丑詔文武常參官共賜錢七百萬貫 沈氏炳震云按是月無

丁丑誤百萬二字疑有一譌張氏宗泰云據在癸卯後當作丁

未丁未十一月十五日 按冊府五百七下無百字

詔延英視事日令常參官七人引對 冊府五十詔上有以蝗螟

之後流庸未復九字

二年

詔以民饑御膳之費減半官人月供糧米都一千五百石 冊府

百四十四 詔尚食每日所進御膳宜各減一半應官內人等每月唯

供給糧米一千五百石 飛龍馬減半料冊府其飛龍廐馬從

今已後至四月三十日並減半料

盧翰為太子賓客 冊府三百三十三 翰下有罷字

四月丙寅 沈本上有夏字

請禁以充貢奉 冊府五十 請充貢獻禁人開採

是時民久饑困 沈本久作人誤

辛酉大風雨 沈本上有六月張氏宗泰云辛酉六月四日

黔中觀察使理所復在黔州 張氏宗泰云前徙置之年不見此

紀新書方鎮表在貞元元年

福建觀察 沈本察下有使字

戊午以鄜坊節度 沈本戊午上有八月度下有使字張氏宗泰

云戊午八月二日

以金吾大將軍 沈本以下有左字

遣河中節度駱元光 沈本度下有使字又云新書吐蕃傳河中

渾瑊華州駱元光是時河中節度乃瑊非元光此當有關文

置武班朝參 沈本置作署疑誤

乙巳吐蕃寇好時 聞本作乙丑誤張氏宗泰云己亥辛亥之中

不得有乙丑新紀作乙巳

劉元佐曲環鄂嶽盧元卿並來朝 沈本嶽作岳張氏宗泰云依

盧元卿例劉元佐上當有河南曲環上當有陳許

貶尙書右丞度支元琇 沈本右丞下有判字是

三年

戊寅度支鹽鐵轉運使 張氏宗泰云戊寅上當脫二月戊寅二

月二十三日

詔今年朝集使宜停 冊府六十今年下有州府二字

以晟甥元帥兵馬使 張氏宗泰云影宋本帥下有府字

各陳邊事隨所見封進以聞 冊府九百九十三具所見封進每坐日

三四人陳奏利害隨所見封進以聞

十月東都河南 沈本十作是

陝號李泌獻瑞麥 冊府二百五陝號下有觀察使

為中書侍郎平章事 沈本平章事上有同中書門下五字

並依仍舊 張氏宗泰云影宋本依作宜

內外咨怨張延賞 沈本延賞下有罷字張氏宗泰云按下方書

尙書左僕射同中書門下平章事張延賞薨是延賞先未罷也

本傳第二云以減官招怨時延賞疾甚在私第而已則此張延賞

三字於文義當上屬內外咨怨爲句方與本傳合增罷字非

賜駱元光姓曰李元諒 沈本姓下有名字是

張延賞薨 沈本薨作卒

壬申以給事中王緯 沈本作壬辰張氏宗泰云據上己丑下戊

戊當作壬辰

戊辰吐蕃犯塞 沈本作戊申張氏宗泰云上己書戊戌與戊辰

不得同月新紀作戊申

以盛安公主降之 沈本盛作咸張氏宗泰云新公主傳作咸

按冊府

九百八十七

亦作咸安

吐蕃修源州城 沈本源作原 按通鑑作原

丁亥太子太傅李叔明卒 張氏宗泰云丁亥不得在丙戌前當

在丙戌事後

是月復降魚書停刺史務 按此文不甚明晰冊府 六十作復降

魚書停刺史務之令原注准令刺史停代皆降魚符合之然後
命自至德以來多不施行又郎將怙權代刺史悉稟其教令魚
符廢及是漳州刺史坐事將鞠之有司復請降魚書停務從之
求其書式不獲乃降魚書曰勅漳州緣刺史張繇有犯令遣監
察御史蘇弁往彼停務問推宜知

作元英觀於大明宮北垣 冊府 十四 作元英門及觀於大明宮

北垣

德宗紀下

四年

王西曜爲麟州刺史 沈本西作栖是張氏宗泰云栖曜兩書有

傳

以宣武軍行營節度使劉昌 張氏宗泰云據昌本傳宣武軍當

作京西北 按通鑑作以宣武軍行營節度使劉昌爲涇原節

度使張氏所致疑者以劉元佐現爲宣武軍節度使不知此有

行營二字胡三省注謂昌以汴兵防秋爲行營節度使正昌傳

所謂元佐朝京師上因以宣武士衆八千委昌北出五原者也

辛巳李泌以京官俸薄 沈本上有二月張氏宗泰云辛巳二月

二日

及闕官俸外 冊府四百八十四闕作闕外下有官字外官二字屬下

讀 額內官俸冊府額字上有停字 得錢三百萬貫沈本貫

作緝 謂之戶部別處錢張氏宗泰云影宋本處作置 按王氏鳴盛云貯誤作處王氏蓋據所見之校本冊府有是錢宜別貯之之語則作貯爲是 朝臣歲不過五十萬張氏宗泰云歲下影宋本有支字

戊辰鹿入京師市門 沈本作戊申上有三月張氏宗泰云二月庚辰朔無戊辰辰當作戊新志作三月癸亥疑二當作二癸當作己己亥爲戊戌後一日 按張說迂曲張以三月爲己酉朔下甲寅爲三月六日則戊申爲二月二十九日俟考

甲寅地震宴羣臣於麟德殿 冊府四十羣臣作百僚

葬於淺水原爲二冢立石塚志之題曰懷忠塚 按此文有脫誤

冊府百三十五分爲大將三十人將士一百人皆棺槨斂以衣服葬於淺水原置二塚其大將曰旌義塚將士曰懷忠塚詔翰林學

士撰二塚誌文

云

此紀既言二塚不當無旌義塚矣

中書省梧樹有鵲以泥爲巢

御覽

九百二

樹下有二字

癸巳以太子左庶子

沈本上有夏四月

福建兵亂

沈本兵作軍

丁巳右龍武統軍

沈本上有五月張氏宗泰云丁巳五月十日

乙丑桂管都防禦

沈本作已丑張氏宗泰云據上乙酉下乙未

此當作乙丑

乙亥封皇子皇弟邕王諒等七人爲王

沈本作已亥依新紀改

沈又云案代宗諸子大厯中盡封無至貞元中始王者新書諸

王傳是年封憲宗以下十三王則弟當作孫七人當作十四人

張氏宗泰云此因十三王外尚有邕王故云十四且於諫之誤

諫亦尙未考今考諫卽章敬太子本傳作諫順宗子德宗取爲

第六子是諫本皇孫越行而爲皇子者也諫雖越行爲皇子而
鄴王經等實爲其弟此紀乃是詳經等之封由於其兄緣諫已
爲德宗取爲子故別立其例不曰皇孫而曰皇子某弟也皇子
下衍一皇字當作封皇子邕王諫弟十三人爲王 按冊府百
五十六邕王源順宗之子德宗愛之命爲子貞元四年封又載鄴
王經以下十二王俱貞元四年封連憲宗初封廣陵王計之共
十四王沈說不誤惟諒當作源張氏謂邕王據本傳貞元初先
諸王封不數邕王非也冊府之言當得其實

丁丑以兵部尚書崔漢衡爲晉州刺史晉慈隰觀察使 沈本無
丁丑張氏宗泰云乙丑壬申之中不得有丁丑且此數日中無
與丑形聲相通可上連丁字者疑爲八月錯簡丁丑八月二日
以蘇州刺史孫晟 沈氏炳震云晟當從孫述傳作成

荆河自陝州 沈氏炳震云荆字疑誤張氏宗泰云五行志無荆字

比者卿士內外 冊府百九內外在卿士上英華與今本同 左

右朕躬朝夕公門勤勞庶務英華作朝夕公務無上下二句

以劉太真李紆為上等 冊府紆下有四人二字 鮑防于召為

次等沈本召作邵冊府召作頌頌下有四人二字 張滂殷亮

等二十人又次之冊府殷亮作劉滋又次之作平等于凡鳴盛

謂二十人校本作八十八人為是其說非也

詔頌等於左右丞聽 張氏宗泰云聽當作聽按古皆作聽

五年

壬辰朔 沈本作甲辰是新紀作甲辰

咸合當時 冊府六十咸作誠合作洽御覽三十同 候及仲月

御覽及作維 天地和同御覽和同作同和 宜助暢茂御覽
助作均 自今宜以二月一日爲中和節以代正月晦日備三
令節數內外官司休暇一日御覽自今以後以二月一日爲中
和節內外官司並休暇一日先勅百寮以三令節集會今宜以
中和節代晦日中和之節自茲始也 宰臣李泌請中和節日
令百官進農書御覽其月二十八日中書侍郎李泌奏伏以仲
春初吉置嘉節以徵之更晦日于往日之中揆明辰于春月之
始請令文武百辟以是日進農書 士庶以刀尺相問遺御覽
無問字 祭勾芒下御覽有神聚會宴樂名爲饗勾芒

寶參爲中書侍郎平章事 沈本侍郎下有同中書門下五字據

新紀補

以太子少師蕭昕爲工部尙書致仕給半祿料 冊府五十一以太

子少傅禮部尚書蕭昕爲工部尚書前太子少詹事韋建爲秘書監並致仕仍給半祿料 自昕始也冊府昕下有等字

以同州刺史竇穎 沈本穎作覲依本傳改

九月壬戌詔以褚遂良已下 沈本作壬寅

冬十月丙午 沈本以冬十月移於庚午上而以丙午屬九月張氏宗泰云九月雖有壬戌而十月己巳朔無丙午丙午九月七日冬十月當在庚午上而圖形事不得爲二十三日之壬戌矣當作壬寅壬寅在丙午前四日

檢校司空平章事 沈本平上有同字張氏宗泰云據例補

桂管觀察御史中丞孫晟卒 沈本察下有使字無御史中丞張氏宗泰云當據四年十月乙亥所書刪正

畿汝州都防禦使 按書中間有作東畿汝州者

六年

正月戊辰朔 沈本作戊戌下有二月戊辰朔此不得作戊辰

羣臣賜宴七韻 御覽百十宴下有詩字

岐州無憂王寺有佛指骨寸餘 冊府五十載此事甚詳

夏四月甲辰大風雷 沈本作甲申張氏宗泰云四月丁卯朔無

甲辰新五行志作甲申雷作雨

閏月庚申太白辰星聚東井 張氏宗泰云庚申不得在戊午前

庚申閏月二十四日辰星前畱二日恰在井二十四然為太白

順疾五十一日由昴五太行六十五度在鬼二太已在井度外

矣二星不得為合申當為子

五月丙寅朔上御紫宸受朝上以是月一陰生臣子道長父子必

以是朔面焉故取朔日受朝 張氏宗泰云下七年四月方有

詔六年已書之恐爲下年之錯簡上止當書五月丙寅朔也

按冊府百七貞元六年五月丙寅朔上御紫宸受朝先是上以

五月一陰生臣子道長君父道衰非善月也故人之父子必以是月朔面焉遂爲常俗臣子一例因詔以是日御正殿與羣臣朝見下又載七年四月詔文意此年受羣臣朝七年詔文武百官及外官亦聽就列著爲令式又此年在紫宸殿以後常在宣政殿故兩載之非錯簡也

秋七月丙寅淮南節度使竇覲卒 沈氏炳震云案本傳覲除淮

南赴鎮旬日暴卒覲去年十一月除不應至是七月始赴鎮况五年十二月壬申杜佑已爲淮南節度使矣此疑屬五年文錯簡於此張氏宗泰云五年十一月無事十一字又似七此五年十一月之錯簡也五年十一月二十八日丙寅

迴紇弔祭使鴻臚卿郭降 沈本降作鋒是

密施俱錄 沈本俱作羽

立仗將士及諸軍兵 冊府八十諸軍兵作守本營者 賜十八

萬段匹冊府賜上有共字賜下有帛字

吐蕃陷我北庭都護府 沈本無我字

七年

二月己巳涇原帥劉昌復築平涼城 沈氏炳震云是月無己巳

通鑑作戊戌張氏宗泰云今據通鑑作戊戌定爲己亥以兩日

相次也己亥二月八日 按張既據通鑑則不必改作己亥矣

通鑑考次日月甚詳當作戊戌

節度使宜以鵠銜綬帶觀察使宜以雁銜威儀威儀瑞草也 冊

府六十節度使以鵠銜綬帶取武毅以靖封內觀察使以雁銜

委儀

二字原
本誤削

取其行列有序收人有威儀也原注威儀瑞草也

四月詔曰仲夏之時

此載全文冊府

百七

有所刪節

申恩卿

士沈本恩作告

按冊府英華俱作恩

起今年五月朔御正

殿召見文武百官外官因朝奏咸聽就列英華自今以後每年

五月一日御宣政殿與文武百寮相見京官九品以上外官因

朝參在京者並聽就列

安南首領杜英輪叛

沈本輪作翰依新紀改

辛未置柔遠軍為安南都護府

張氏宗泰云會要七十三貞元

七年五月置威遠軍於安南都護府與此同為當作於王氏鳴

盛亦云為當作于

六月庚子朔

沈本作庚寅

上幸章敬寺賦詩九韻皇太子與羣臣畢和題之寺壁

冊府

百十

四幸章敬寺賦詩序皇太子在侍進和兼題百寮畢和以班列焉其後京兆尹薛珏請皇太子書帝詩序刻石而填之以金以邕王諒爲義武軍節度使 沈本諒作諫

給事中鄭瑜 沈本鄭下有珣字

每御延英令諸司官長二人 冊府五十載此事緣起甚詳官長

作長官 王氏鳴盛云每上脫詔字 每一日沈本無一字

十一月乙丑 沈本作己丑 禁慘服朝會須服本色綾袍金玉

帶冊府六十禁慘服俄又命服衣綾袍金玉帶

丁酉以前福建觀察使 張氏宗泰云非丁卯之誤卽上脫十二

月丁酉十二月十一日

八年

乙丑山南東道節度使 沈本上有二月張氏宗泰云乙丑三月

十一日

有當道閒員 王氏鳴盛云閒校本作備是

己亥以湖南觀察使李衡 張氏宗泰云據上癸酉下丙子當作

乙亥

夏四月丁丑貶左金吾大將軍 沈本作丁亥張氏宗泰云丁丑

非乙酉朔月所有據在戊子上當作丁亥

以尙書左丞趙憬 冊府七十憬作退翁 為中書侍郎沈本上

有並字 按御覽百十有並字

請十二而稅 冊府四百八十八作請加稅十二

以河內河東 張本河作關張氏宗泰云地理志有河北無河內

影宋本作關與東都對當為關然東都即河南疑上河南為河

北之誤 戶部尙書張氏宗泰云依上張滂例戶部上當有令

字

吐蕃寇雲州 沈本雲作靈 按通鑑作靈

大風吹壞廬舍門闕 張氏宗泰云據新紀壞下當有太廟二字

及趙憬陸贄為相諫議 沈本諫作建是 宜令尚書丞郎冊府

宜令尚書及左右丞侍郎 以舉主能否冊府以下有觀字

以管桂觀察使 沈本作桂管是

八月乙丑 沈本作己丑張氏宗泰云八月癸未朔無乙丑而在

辛卯前非乙酉即己丑之誤

分命朝臣宣撫賑貸 冊府百六十一備載朝臣奚陟等姓名

罷九月賜宴 沈本月作日是

貶太子賓客于召 沈本召作邵以後不復出

追封故皇弟 沈本無故字

貶右庶子姜公輔泉州別駕 張氏宗泰云泉州上當有爲字

別給俾還朝 冊府六十作別給券俾還

九年

上賦退朝觀仗歸營詩 沈本仗上有軍字冊府一百有軍字

以三節次宴 沈本次作賜冊府九以曲江合宴 自是分燕

焉沈本燕作宴

既成之後 張氏宗泰云影宋本成作城

五月庚申 沈本作庚寅

以尙書左丞盧邁本官同平章事 沈本同下有中書門下四字

凡言同平章事者沈本皆作同中書門下平章事以後不復出

有以別事須出者聞及之冊府七十本官上有守字左作右與

新紀同

破吐蕃峨和城定兼城通鶴軍 張氏宗泰云兼當作廉鶴作化

新地理志保州注一曰定廉維州有通化軍 按冊府九百八十七

定兼作定廉而通下亦作鶴字御覽百十作定廉城通鶴軍

丙戌以門下侍郎平章事董晉 沈本作丙午平章上有同字凡

言平章事者沈本皆作同平章事以後不復出其有須出者間

及之張氏宗泰云新紀作丙午丙午五月二十九日

甲寅加韋臯檢校右僕射 沈本上有六月張氏宗泰云甲寅六

月七日

故事宰相秉筆決事至詔每日更秉筆 御覽二百五詔宰相以旬

秉筆決事初至德中宰相迭秉筆處斷每十日一易及賈耽趙

憬陸贄盧邁同平章政事百寮有所關白更相讓不言於是奏

議請旬秉筆者出應之其後又請每日更秉其筆迭以應事皆

從之

各授官敕 張氏宗泰云敕影宋本作秩

太廟中書令 沈本廟作尉是

十一月乙酉日南至上親郊園丘 冊府三十上有甲寅寅當朝作申朝

享太廟 按冊府載興元元年十二月詔以李懷光李希烈並

叛逆不賓京師人情不安李晟自鎮上表請權停郊廟之禮至

九年始復行禮舊紀載大赦之制云是用虔奉禮章躬薦郊廟

是宜有享薦之文脫去耳新紀有甲申朝享於太廟

甲辰冬制薦官宜令尙書丞郎 沈本無冬字張氏宗泰云上已

有十一月冬字刪之 按冬字未可刪冬字當在薦字上冊府

六百制以冬薦官其令諸司尙書左右丞本司侍郎又按冊府

六百三備載元和七年勅有每年冬季一度聞薦之語太和元

十一

年勅有每年冬薦等所奏判官之語故謂之冬薦官 試時務
狀冊府試上有兼字 定爲三等冊府三作二 並舉主姓名
冊府作名姓姓下仍有錄奏二字 如授官後政事能否冊府
如授官有治效尤著及犯贓不任者

制今後使府判官副使行軍已下使罷後 冊府六百制自今後

應諸色使行軍司馬判官書記參謀支使推官等使罷者 不

合集於吏部選冊府集在選下 任準罷使郎官御史例冊府

任上有並字 冬季聞奏冊府作冬集季下當有春字 聞薦

以宣武軍節度使副使 沈本無上使字

十年

昭義節度使 沈本昭義下有軍字以後不復出須出者出之

理普閏縣 沈本閏作潤下同

詔君臣之際義莫重焉 冊府五百六載全文

賜名曰安塞軍 沈本無日字

夏四月戊辰 沈本作戊申依新紀改張氏宗泰云戊申四月六

日

是春霖雨罕有晴日 沈本在夏四月上張氏宗泰云新紀於六

月書自春不雨至於是月辛未雨同一春也新紀書其旱至六

月此紀書其雨於四月據新五行志常雨篇貞元十年春雨至

四月間止是新紀書不雨為誤而新志四月上衍閏字他本遂

據之移此八字於夏四月前非

同中書門下平章事 沈本作同平章事沈於宰相罷免及薨卒

皆但書同平章事以後不復出 義陽王李抱真卒沈本王上

有郡字是

以邕王諒 沈本諒作諫是

爲路府左司馬 沈本路作潞是

吐蕃大將論乞髯陽沒藏悉諾碑 沈本陽作湯張氏宗泰云依

吐蕃傳改 授歸義將軍沈本義作德張氏宗泰云唐六典有

歸化懷德將軍此當是撮舉二字以名之下懷化將軍亦然

戊子賜百寮九日宴上賦詩賜之 沈氏炳震云疑作戊寅張氏

宗泰云九月辛未朔則九日當爲己卯卽前一日亦當爲戊寅

按當作庚辰冊府四十貞元十年九月十日以重陽日宴百

僚追賞初九日以雨罷宴及是方會宴帝賦詩以賜百官百九

宴會類所載同

冬十月癸卯御宣政殿試賢良方正能直言極諫等舉人 御覽

百十與今本同而冊府六百四十四作九月丁丑以官授賢良方正

能直言極諫前進士裴垍等一十人

十一年

以邕管經畧使 沈氏炳震云按傳當作容管

賜宰臣兩省供奉官 冊府百九 賜中書門下及兩省供奉官

乙丑以吏部侍郎鄭瑜 沈本鄭下有珣字云是月無乙丑誤張

氏宗泰云三月己巳朔無乙丑而在丙申上非己丑即乙未之

誤

各受試官 沈本受作授是

李元信州長史 張氏宗泰云州上影宋本有吉字 按通鑑作

李充云貶贛為忠州別駕充為涪州長史滂為汀州長史

以宣武畱後 沈本武下有軍字下同以後不復出

潞澤磁邢洺觀察使 冊府五百五十三 作澤潞

初鑄河東監軍印 冊府 六十 印上有之字

理興十二卷 沈本與作典張氏宗泰云影宋本理作禮

九月己卯賜宰臣兩省供奉官宴於曲江賦詩六韻賜之 沈本

作癸卯張氏宗泰云九月乙未朔九日當癸卯 按冊府 四十

作癸卯

及山西八國 沈本山西作西山是

勞士而還 冊府 一百九 勞士上有畢事幸左神策軍七字

十二年

率洛州兵五千民五萬家東奔田緒 冊府 百七十六 率洛州城內兵

五千並家口萬餘人叛奔田緒

乙丑 沈本上有二月張氏宗泰云乙丑二月初二

成德軍節度使檢校司徒兼侍中渾瑊兼中書令 沈氏炳震云

渾瑊未嘗為成德軍誤當作河中 按此有脫文冊府百七以

成德軍節度簡校司徒王武俊兼中書令下乃云河中絳州節

度簡校司徒兼侍中渾瑊中書令原文衍多此節引之此紀成德軍下脫

序王武俊之官及河東節度使檢校司徒也

命沙門道士加文儒官討論三教 沈本加作偕張氏宗泰云影

宋本作偕王氏鳴盛云加字疑衍 按冊府卷二帝降誕之日

近歲嘗以其日會沙門道士於麟德殿講論是日兼召儒官通

鑑庚辰上誕日故事命沙門道士講論於麟德殿至是始命以

儒士參之加字不誤特辭意未明晰或有所遺脫歟

中護軍監以授宦官 聞本脫

是日 沈本作是月

八月辛未朔 沈本作己未依新紀改 按通鑑作乙未

以乞鬣子湯忠義為歸德軍 沈本軍上有將字是

即日還內 冊府百十無內字

諫議大夫崔損 張氏宗泰云據新紀諫議上補右字 按冊

七十諫議上有右字

平地二尺 御覽百十二作三 是冬亦死御覽亦作凍

詔劍南西山國 御覽百十國上有八字是

十三年

兵部郎中王召 沈本召作紹下同不復出

李若初為明州刺史浙東觀察使 錢氏大昕云浙江東道本治

越州據此文似當時曾移治明州而新史方鎮表未及之 按

沈本明作越下十四年裴肅為越州刺史浙東觀察使即代若

初者正作越州

鄭滑觀察營田 沈本田下有使字

六月己卯朔 沈本作乙卯

令於諸寺齋僧 冊府五十令諸寺設齋祈福

浚湖渠魚藻池深五尺 冊府四十幸魚藻宮池池上當有浚字先深一

丈更濶加四尺

為戶部侍郎 沈本侍郎下仍有判戶部三字

乙丑詔今後嗣王薨葬 沈氏炳震云是月無乙丑誤張氏宗泰

云據在甲辰後當作乙巳

兼湖渠 王氏鳴盛云兼下脫浚字

己未江西觀察使路瓌卒 沈本己未作乙未瓌作寰張氏宗泰

云九月癸未朔無己未據在辛卯甲辰中當作乙未

李巽為江州刺史 王氏鳴盛云校本作洪州

淮南吳少誠擅開洶刁河汝河 沈本淮南作淮西洶刁河作刁
溝河張氏宗泰云盧羣傳作擅開決司洶等水新傳作擅決司
洶水洶刁蓋決司之誤卽刁溝亦決司之誤又兩傳有洶水而
無汝水因考元和郡縣志蔡州汝南縣下云州理古懸瓠城也
汝水屈曲形若垂瓠故城取名焉是司水者卽汝河猶所謂古
司州之水故兩傳有司而無汝又上旣云司河下不必又言汝
河下汝字當爲洶當改作擅決司河洶河 按通鑑淮西節度
使吳少誠擅開刁溝入汝當爲沈氏所本胡三省注刁溝新舊
書皆作司洶水所云新舊書者卽指新舊盧羣傳也

癸巳贈太傅馬燧祔廟 沈本上有十一月張氏宗泰云癸巳十

一月十二日

十四年

應貞元八年至十一年 冊府四百九十一作應欠負貞元八年九年

十年 在百姓復內者冊府復作腹腹內二字冊府屢見是當時

公牘語作復無所取義王氏鳴盛校本作腹內

其間如是親故 冊府六十是上有素字 伏臘歲時須有還往

冊府作伏臘歲序時有還往 亦人倫常禮冊府作乃是常禮

人情所通

先是上製中和樂武曲 沈本武作舞 閣本考證云據樂志改

日宴方罷張氏宗泰云宴當作晏 按冊府百九作晏 宴

羣臣詩八韻冊府四十作會百寮觀新樂詩

以左諫議大夫 冊府三十左作右 橋元建三陵據闕補造冊

府橋陵一百四十間元陵三十間唯建陵不復創造修葺而已

為門下侍郎平章事 沈本平章作知政

己卯左右神策置統軍 沈本上有八月張氏宗泰云己卯八月

二日

羣臣於宣政殿行稱賀 按行稱賀三字不辭冊府三十行上有

橫字羣臣上有廢朝一日

江西觀察使潤州刺史 沈本江西作浙西無下四字

爲陝州大都督府長史 沈本無大都督府四字 陝號觀察水

陸轉運使沈本無水陸

以浙東觀察 沈本察下有使字 又以常州刺史沈本無又字

杞王遙薨 沈本遙作倅是

諫議大夫田登 冊府六百登作敦

冬十月癸酉 沈氏炳震云案是月無癸酉誤張氏宗泰云冬十

月丁卯朔不得有癸酉癸酉九月二十七日冬十月三字當在

下庚子上

癸酉出東都含嘉倉粟七萬石開場糶以惠河南饑民 張氏宗

泰云十二月丙子朔亦不得有癸酉事屬一類亦當為九月錯簡而重書日也

十五年

汴宋毫穎節察等使 沈本節作觀

乙丑以宋州刺史 沈本作己丑張氏宗泰云乙酉乙未之中不

得有乙丑己丑二月十五日 兼汴州刺史沈本無兼字

殺監軍召國朝 沈本作邵是通鑑作邵

兼中丞于頔 沈本兼下有御史

以久旱令陰陽人法術祈雨 冊府百四十四以久旱令陰陽術士陳

混常呂廣順及摩尼師法術祈雨

以王礎廢朝一日 張氏宗泰云王礎下影宋本有卒字

以洋州刺史韋士及 沈本及作宗

丙午以陳許兵馬使 沈本有九月張氏宗泰云丙午九月五日

暴越封壤 冊府百二作屢越封境 罪在無赦冊府罪作已

以上稽宗社之威冊府威作盛誤以上有是字沈本作是以

庶有悛革聞本有作以冊府作其是 幸鄰境之喪冊府幸上

有今更 朕尤冀知非冊府尤作猶冀下有其字沈本作猶

己巳自今中和重陽二節每節只禁屠一日 張氏宗泰云下有

辛酉此當作丁巳 按冊府六十詔自今已後二月一日九月

九日每節前放開屠一日

兼汴州刺史御史大夫 張氏宗泰云依例御史大夫當在汴州刺

史上汴州上當有爲字 按張本沈本俱脫兼字

邕王諒薨 沈本諒作諒

破淮南賊 沈本作淮西是

按此條在十一月條後

十二月庚午朔方等道副元帥 張氏宗泰云朔下仍當有朔字

庚午亦月朔或以下有朔字誤闕 按通鑑渾瑊薨在辛未

兼奉朔中書令沈本無奉朔二字是

十六年

恒冀定州許河陽四鎮之師 按此有脫誤御覽百十作恒冀易

定陳許河陽四鎮之師通鑑同方合四鎮之數

二月己酉以左神策行營 沈本作乙酉依新紀改張氏宗泰云

二月己巳朔無己酉

己酉華州刺史 沈本上有三月張氏宗泰云己酉三月十一日

以昭義軍節度使姚南仲 沈氏炳震云南仲乃義成非昭義誤

壬申檢校兵部尙書沈氏炳震云是月無壬申誤張氏宗泰云四月己巳朔初四日壬申他本以爲四月無壬申誤但不當在辛卯後耳當作壬辰

六月丙午鄆州李師古 沈氏炳震云是月無丙午誤

以河中尹王闕爲潭州刺史 張氏宗泰云杜確於前年十二月爲河中尹又按鄭元傳云貞元年爲河中節度使杜確行軍司馬確卒遂繼爲節度使卽下十八年三月丙戌所書者也據此則自十五年至十八年河中尹未曾更人疑鄭元傳卒字有誤或當爲去而王爲杜之誤下所闕卽確字但去在十六年秋而代爲十八年夏太遠或仍別有誤

以左丞李光素 沈本光作元

癸酉吳少誠賊 沈本賊在吳字上癸酉作癸丑張氏宗泰云九

月丙申朔無癸酉據在庚戌後當作癸丑

乙丑河東節度使 沈本作己丑張氏宗泰云據上戊子下甲午

改正 按通鑑作己丑

為太常寺卿 沈本無寺字

罷吏部復考判官及禮部別項貢舉 沈本項作頭張氏宗泰云

會要緣舉雜錄篇勅禮部別頭舉人宜委禮部考試不須置別

頭 按冊府六百四十所載與會要同

十七年

戊申夜雷震雨雹 張氏宗泰云震影宋本作霆 按二十年二

月亦云大雷震雨雹宋本作霆未必是

及郡縣王壻 沈本王作主

邠寧節度使 聞本寧下有慶字

由是錡恣橫叛 沈本橫下有致字是也王氏鳴盛云恣下脫爲字非

知恒府事 沈本府作州是

韋臯奏大破吐蕃於雅州 冊府九百八十七 雅作維 按新紀通鑑

俱作雅

羣臣宴曲江 沈本江下有亭字

辛未宰相賈耽 沈本上有十一月張氏宗泰云辛未十一月十三日

庚戌以京兆尹顧少連 沈本上有十二月張氏宗泰云庚戌十

二月二十二日

十八年

三月癸未以劍南東川 沈本作己未張氏宗泰云癸未乃三月

二十七日據在乙丑前當作己未

賜宴羣臣於馬璘之山池 沈本宴在臣字下

以竇羣爲左拾遺 張氏宗泰云影宋本竇上有布衣二字

充南都護 沈本充下有安字是

東都畿汝防禦使 沈本都在汝字下十九年同

以邕管經畧使徐中 沈本中作申

以非先賜授 沈本先作次王氏鳴盛云當作非次越授

十九年

兼揚州大都督府長史 沈本無大都督府四字後凡言某州大

都督府長史者沈皆無大都督府四字以後不復出

奏請移行原州爲平涼城 張氏宗泰云新地理志馬璘表置行

原州於靈臺之百里城貞元十九年徙治平涼爲當作於 按

張說是通鑑徙原州治平涼

湖南節度使 沈本湖作荆是

甲辰以陳許行軍司馬 沈本上有六月張氏宗泰云甲辰六月

二十五日

自正月至是 張氏宗泰云是下當有月字

戊午至吏部選 冊府百四十七選下有集字沈本無戊午

戊午以振武軍行軍司馬 沈本上有十二月張氏宗泰云戊午

十二月十一日

以太常卿高郢為中書侍郎同中書門下平章事 張氏宗泰云

新紀鄭珣瑜與高郢同相 按冊府七十以太常卿高郢為中

書侍郎吏部侍郎鄭珣瑜為門下侍郎平章事舊紀脫

二十年

以其判官任簡迪 沈本作迪簡是

歲儉也 冊府九一百也上有故字是

吐蕃使臧闕河南觀察使論乞冉 沈氏炳震云河南觀察使疑

錯簡衍文張氏宗泰云臧下聞本誤空一字或以為闕文非也

按臧河吐蕃河名本傳悶恒盧川直邏娑川之南百里臧河所

流也又云臧河之北川贊普之夏牙也贊普居臧河北故其南

有觀察使至吐蕃官名其名有大論小論而其後頗仿中國故

元宗時所遣有御史名悉獵大厯中有贊磨代為東西節度使

貞元中有中書令尚綺心兒然則臧河南觀察使乃吐蕃官名

非其中有脫文及錯簡也此書本傳紀此事亦云臧河南觀察

使 按張說極覈冊府九百七吐蕃遣河南觀察使論乞州及

僧南撥時計波等五十四人來朝脫臧字詳言之則曰臧河南

畧言之則曰河南要之河南觀察使為吐蕃官名無疑

五月甲戌朔御宣政殿

冊府

七一百

朔下有罷字

悉索部內馬牛羊近萬頭匹監吏主之

冊府

六百二十一

悉索部內

馬五千七百匹驢騾牛八百頭羊三千餘口人心擾焉

為檢校工部尙書

沈本無為字凡檢校上沈本皆無為字以後

不復出

二十一年

御含元殿受朝貢

張氏宗泰云據前後例貢當作賀

按御覽

百十作朝賀

羣臣上謚曰神武孝文

張氏宗泰云文下影宋本有皇帝二字

按御覽

百十

有皇帝二字

舊唐書校勘記卷六